

27.maj 2019

UPA2019/229

Kangiani, Kalaallit Nunaatalu sineriaani meeqqat ikiorneqarnissaat tunngavigalugu Naalakkersuisut Danskit Naalagaffiannut ikioqqullutik saaffiginnissuteqassasut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Inatsisartut Suleriaasianni § 33 naapertorlugu Partiinit amerlanerussuteqartunit aalajangiiffigisassatut siunnersuut imaattoq saqqummiunneqarpoq:

Kangiani, Kalaallit Nunaatalu sineriaani meeqqat ikiorneqarnissaat tunngavigalugu Naalakkersuisut Danskit Naalagaffiannut ikioqqullutik saaffiginnissuteqassasut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Tamannalu pillugu Nunatta Qitornai imaattunik oqaaseqassaagut

Nunatta Qitornai-sa pingaartilluinnarpaat meeqqat ikiorneqartariaqartut ikiorserneqarnissaat. Meeqqammi siunissaraagut.

Ajuusaannaraluaqisumik siunnersuummi issuarneqartut oqaasertaasut issuaaffigeqqilaassavakka; issuaaneq aallartippoq:

”Tasiilami nunaqarfiinilu kinguaassiutitigut pinerluttuliornerit 193-it ukiut pingasut kingulliit ingerlaneranni nalunaarutigineqarput.

Meeqqanut kinguaassiutitigut pinerluttuliornerit 20-it siorna nalunaarutigineqartut, kinguaassiutitigut pinerluttuliornerit 15-it maanna suliarineqarput.

Tasiilami meeqqat pingasuugaangata ataaseq kinguaassiutitigut atornearlunneqartareersimasuuvoq.

Meeqqat marluugaangata ataaseq kommunimi isumaginnittoqarfimmi suliassanngortinneqarsimasuuvoq”

Issuaaneq naavoq.

Pissutsit taama ittut takutippaat piffissanngortoq immikkut ittumik iliuuseqartoqartariaqalerneranik soorlu siunnersuuteqartut oqaaseqarnerattut. Tamannalu Nunatta Qitornai-sa isumaqatigaat.

Nunatta Qitornai-ni maluginiarparputtaa Naalakkersuisup akissuteqaammuni tunngavilersuutigisai arlaqartut aamma isumaqatiginartuusut.

Naalakkersuisut suliassaqarfik pillugu qallunaat oqartussaasuunik suleqateqareersut naalakkersuisup erseqqissarpaa.

Nunatta Qitornai

Inatsisartuni



Børne- og Socialministeeriaqarfik aamma Justitsministeeriaqarfik suliaqartunut ilaasut aamma ilisimatitsissutigineqarpoq.

Danskit kalaallillut naalackersuisuisa suleqatigeernerat pillugu killiffimmik nalunaarusiaq Naalackersuisut Ilaqutariinnermut Peqqissutsimullu ataatsimiititaliamut nassiuneqarsimasup killiffissiornernissaa pisariaqassasoq Nunatta Qitornai isumaqarput

Isumaqarpuguttaaq suleqatigiinneq taanna ingerlareersoq nukittorsaqqinneqartariaqartoq.

Nunatta Qitornai isumaqarput nunarput tamakkerlugu kommuneqarfiit suliaasaqarfimmut pineqartumut suliasaminnik kivitsisinnaanerat pillugu nalilersuiffigineqartariaqartut.

Nunatta Qitornai isumaqarputtaaq imminut toquttarneq akiorniarlugu suliniutit ingerlaavartut ullumikkornit amerlanerusut pisariaqartineqartut.

Nunatta Qitornai aamma isumaqarput Danskit naalagaaffiat ikiorneqarnissamik noqqaavigineqassappat pingaarluinnartuussasoq pinerluttaalisitsisut pinaveersaartitsiniermillu suliaqartut sakkusnaanik sulisunillu ullumikkornit amerlanerusunik pisariaqartitsisoqartoq.

Taama oqaaseqarluta Ataatsimiititaliamut susasaqartumut innersuupparput.

Anders Benjaminsen